

PERISYTIHARAN UNTUK GEREJA GEREJA DI MALAYSIA

ORANG ORANG KRISTIAN DI MALAYSIA, bersama dengan masyarakat lainnya, menyatakan KOMITED kami terhadap penggunaan Bahasa Malaysia sebagai Bahasa Kebangsaan dan telah menggunakan dan akan terus menggunakan Bahasa Malaysia di dalam hidup dan kesaksian Gereja dan organisasi Kristian.

PEMIMPIN PEMIMPIN GEREJA yang diwakili oleh PERSEKUTUAN GEREJA MALAYSIA (CFM) telah berkonsultasi di Kuching, Sarawak pada 6 – 8 September 1989, untuk membincangkan tentang larangan yang dikuatkuasakan secara undang undang di beberapa negeri tentang penggunaan kata kata dan ungkapan dalam Bahasa Malaysia oleh orang orang bukan Islam, dan kerumitan yang semakin bertambah ketika berhadapan dengan pihak berkuasa dalam hal penerbitan, pengedaran dan pengimportan Alkitab dan bahan penulisan Kristian lain dalam Bahasa Malaysia dan Bahasa Indonesia.

PEMIMPIN PEMIMPIN GEREJA yang hadir pada KONSULTASI DI KUCHING, setelah membincangkan perkara ini dengan panjang lebar dan mendalam serta melihat kesannya terhadap orang Kristian di Malaysia, dengan ini mengisytiharkan dan meyakinkan semua bahawa:

1. larangan yang cuba dilaksanakan adalah bertentangan dengan Perlembagaan Persekutuan dan menghina undang undang yang mana tindakan dan penilaian berbagai pentadbiran ini adalah menghalang kemasukan bahan penulisan Kristian dalam Bahasa Malaysia dan Bahasa Indonesia.
2. kami mempunyai hak dan boleh menggunakan Bahasa Kebangsaan, Bahasa Malaysia, dalam penggunaan menyeluruh bersama dengan bahasa lain tanpa menghiraukan perbezaan kepercayaan; dan
3. segala usaha akan dilakukan untuk memaklumkan kepada pihak berkuasa dan mereka yang berpengaruh dalam polisi awam mengenai pendirian kami dan mencari cara supaya larangan tersebut dimansuhkan dan mendapatkan penilaian yang tidak berat sebelah dan adil dalam kes kes keagamaan.

Kami MENGUKUHKAN pendirian kami untuk terus menggunakan Bahasa Malaysia keseluruhannya;

MENGUNGKAPKAN perpaduan kami sebagai orang Kristian dalam menghadapi bersama segala yang muncul akibat dari pendirian dan keyakinan kami.

DAN MENDORONG semua gereja berwaspada dan terus menerus mendoakan agar kebijaksanaan diambil oleh yang berkenaan untuk menyelesaikan dengan aman isu yang serius ini dan untuk kelangsungan kesatuan, keharmonian dan kedamaian bangsa dimana keadilan, hak asasi manusia dan maruah bangsa ditingkatkan pada sepanjang masa.

Dikeluarkan oleh Pemimpin Pemimpin Gereja dan Komite Eksekutif Persekutuan Gereja Gereja SeMalaysia (CFM)

Pada Konsultasi di Kuching, September 1989

Disemak dan dikeluarkan menurut keputusan Komite Eksekutif Persekutuan Gereja Gereja SeMalaysia pada 30th January 2008.